



Inatsisartut siulittaasuannit
Josef Motzfeldtimit

NUTAARSIASSAT

Ukiup affaa siulleg 2012



AALLAQQAASIUT

Uani qinigaaffimmi Inatsisartuni sulinerup ukiuisa sisamassa at aallartissaq 21. september 2012 ataatsimiinnerup ammarneqarneranni. Inatsisartut sulinerminni ukiuisa kingulliat naatinnagu pingaartillugu suliaralugu nangissavara qinersinerup

DRONNINGIP UKIUNIK 40-NNGORTORSIORNERA

Ukioq 2012 aallartippoq Københavnimi, Dronningip Danmarkimi ukiuni 40-ni qullersatut inissisimanerani anertuumik nalliuttorsiortoqarnerani. Tamatumunnga atatillugu aammalu Fredensborgimit Det Nationalhistoriske Museumimit qinnuteqartoqarnera tun-ngavigalugu Bodil Kaalundip qalipagaa, Dronningip 1979-mi Nam-

kingorna inatsisartuusussat sulinerminni toqqammavissaqarluarnissaat. Inatsisartut ukiumut nalunaarutaanni kingullerni pingasuni ineriartortitsinerup inernerigallagaa takuneqarsinnaavoq.

minersornerulluni Oqartussaaneq pillugu inatsimmik tunniussineraniq qalipagaq Inatsisartut atukkiuppaat. Qalipagaq saqqummersitsinermut ilaatinne-qarpoq, takutinneqarluni Dronningip ukiuni 40-ni qullersatut suliaasa saqqummersinneqarnerat. Januarimi Inatsisartut Siulittaasuat saqqummersitsinermut ammaansiornermut peqataavoq. Qalipagaq Inatsisartunut utertinneqassaaq aqqustip qaammataata naanerani.



Inatsisartut Siulittaasuat aamma Bodil Kaalund Fredensborgip katersugaasiviani saqqummersitsinermi.

NUNATTA PISORTATIGOORTUMIK DRONNINGIMUT TUNISSUTAA, NIAQORUTAASAQ "NAASUT"



Amalienborgimi Niaqorutip tunniunneqarnerani Dronningi, Inatsisartut Siulittaasuat niaqorutaasiortorlu.

Inatsisartut aamma Naalakkersuisut Dronningip nalliuttorsiorneranut atatillugu Dronningi nunatsinnit kuultimik sananeqarsimasumik niaqorutaasamik tunineqassasoq toqqarsimavaat, taannalu kuultinik pinnersaasiortartumit Nikolai Appeli-mit suliarineqassasoq. Niaqorutaasaq aprilimi naammassivoq. Kiisamilu 12. juni Amalienborgimi pisortati-goortumik Inatsisartut siulittaasuanit Dronningimut tunniunneqarluni.

Niaqorutaasaq pisortatigoortumik atserneqarpoq "Naasut" Flora Groenlandica.

Illoqarfinni toqqarneqarsimasuni niaqorutip saqqummersinneqarnissaa sulissutigineqarpoq.



*Niaqorutaasaq "Naasut"
- Flora Groenlandica.*

WHITEHORSE-IMI ARCTIC WINTER GAMESIMUT PEQATAANEQ

Inatsisartut Siulittaasuat Josef Motzfeldt nunatsinni timersoqatigiit Kattuffiannit Canadami Whitehorse-imi Issittormiut Ukiuunerani Unammiaaqaatigiinnerannut Arctic Winter Gamesimut marsip ulluisa aappaanniit qulingiluannut ingerlanneqartumut peqataavoq. Timersoqatigiit kattuffiata Inatsisartut siulittaasuat Arctic Winter Gamesimut isiginnaariarnissamut qaaqqusimavaa. Nuannersuvoq inuusuttut AWG-mi malinaaffigissallugit, minnerunngitsumillu piumassutsimik suliaqartut

qanoq suliamut tunniussimatiginerat pitsaasumillu ingerlanneqartoq misigissallugu nuannersuvoq, tamanna timersoqatigiit kattuffiannit nunat tamalaat akornanni unammiaaarnerni nunarput sinnerlugu timersortartut amerlasuut peqataanerannut atatilugu ingerlanneqarluni. Taamatuttaarlu AWG-mi peqataanermi takutinneqarpoq inuusuttut issittumi nunani allaneersunik inuusuttoqatiminnik ilisarimasaaqalernissaannut periarfissaqartoq.



Inatsisartut Siulittaasuat Josef Motzfeldt Canadami Whitehorse-imi Arctic Winter Gamesertoqarmat.

UPERNAAKKUT ATAATSIMIINNERUP AALLARTINNGINNERANI ILIMMARFIMMI ISUMASIOQATIGIINNEQ

Siulittaasoqarfik upernaakkut ataatsimiinnissap piareersarneqarnerata aallartinnissaa sioqqutitsiarlugu Inatsisartut Siulittaasoqarfiat isumasioqatigiippoq ulloq 13. marts 2012. Isumasioqatigiinnermi siulittaasoqarfik aalajangiussivoq sulissutigineqassasoq Inatsisartut suleriaasiata allanngortinneqarnissaa, siunertarineqarluni siunissami ukiaanerani ataatsimiinnerit septembarimi tallimangornerit aappaanni aallartittarnissaat, tallimangornerit pingajuanni pizaraluartoq, eqqarsaatigineqarluni ukiumi uani tallimangornerit pingajuat ima kingusitsigisoq aatsaat septembarip 21-ussalluni. Allanguineq tamanna upernaakkut ataatsimiinnermi akuersissutigineqarpoq 2013-imiit atuutilersussatut.

Taamatuttaaq Inatsisartut siulittaasoqarfiata upernaakkut ataatsimiinnerup aallartinnissaanut 13. aprili-mut aalajangiuppaa, ilanngullugulu siulittaasoqarfimmit upernaakkut oqaluuserisassat akuersissutigineqarlutik, tassani ilanngunneqarlutik siunnersuutit eqqortumik ilusilerlugit piffissarlu uniornagu tunniunneqarsimasut aammalu ilaasortanit oqaluuserisassatut siunnersuutigi-

neqartut oqaluuserisassatut piffissaq eqqorlugu tunniunneqarsimasut. Ilaasortanit tamanit siunnersuutininik tunniussivissaq tunniussinissamullu ulluliunneqarsimasoq tamatigit malinneqartanngilaq taamaattumillu siunnersuutit arlallit itigartinneqartariaqarsimallutik. Soorunami Inatsisartut Siulittaasoqarfiata erngumarnartoqartippaa, sulinermi taamatut ittumi inatsisartunut ilaasortat aningaasatigit taperneqartartillugit piffissaatillugu tunniussinngitsoortarneq, qulakkeerniarneqartarmat inatsisartunut ilaasortani partiit tamarmik suliassatik pingaarutillit sularissagaat. Inatsisartut Siulittaasoqarfiannit neriutigineqarpoq partiit tamarmik siunissami piffissamik eqquilluartarnissaat, pineqarluni inatsisartut sulinermi pisassaasa sularineqartarnissaat.

NUNAT AVANNARLIIT KILLIIT SIUNNERSUISOQATIGIIFFIATA (NAKS) AALAJANGERSIMASUMIK QULEQUTAQARTITSILLUNI ILULISSANI ATAATSI- MEERSUARTITSINERA

NAKS-ip ukiumoortumik aalajangersimasumik sammisaqarlutik ataatsimiinnerat pivoq Ilulissani 27. - 30. marts. Nunaata aallartitaasa akornnganni partiit Inatsisartutuni aallartitaasa arfiniliusut akornnganni aallartitaqannginnera pissutigalugu

Kattuseqatigiit Partiiānit sinniisus-samik taasisinnaatitaanngitsumik qaaqqusisimapput. Taamatuttaarlu Naalakkersuisut siulittaasuat nunatta issittoq eqqarsaatigalugu naalakkersuinikkut ingerlatsinera pillugu oqallissaarummik saqqummiusseqqullugu aggersarneqarsimalluni.

Aalajangersimasumik sammisaqarluni isumasioqatigiinnermut nunarput qaaqqusisuuvoq, isumasioqatigiinnermilu sammineqarluni "Issittoq immikkut isigalugu, Nunat Avannarliit Killiit nunarsuarmioqataanermi inisisimanagerat". Sammisassaq NAKS-ip 2011-mi ukiumoortumik ataatsimiinnerani aalajangerneqarpoq. Maluginarneqarpoq Ilulissani ataatsimiinneq sioqqullugu nunani avannarlerni USA-milu issittoq pillugu isumasioqatigiittoqartartoq.

Issittumi najugalinnut inuttaasunut sinniisuusutut nunani pineqartuni

inatsisartut ataatsimoorussamik kissaatigisimavaat, issittup immikkoortortaani annertuumik soqutigneqartumi ataatsimut suut soqutigisaanersut katersorniasssallugit, ulluinnarni nunarsuarmioqataanermi oqaluuserineqartunut tunngatillugu kiisalu nunarsuarmioqataasut nunani issittuni nukissanik pissarsiniarneranni nunallu immikkoortortaani pissarsaqataanissaq siunertarineqarluni.

Tamatuma kingunerisaanik NAKS-imut nunanit pingasunit aallartitat inerniliissapput, ukiumoortumik ataatsimiinnermi saqqummiunneqartussamik aalajangiiffigineqartussamillu. Aallartitat inerniliinerat nunat naalakkersuisuinut aalajangersagaasinnaavoq, taannalu nunani pineqartuni pingasuni inatsisartunut suliassangortillugu saqqummiunneqassaaq, imaluunniit nunat taakku pingasut naalakkersuisuinit oqaaseqaateqarfigineqarluni.



2012-imi Inatsisartut upernaakkut ataatsimiinnerat ulloq 13. april aallartinneqarpoq.

NAKS-IMI NUNATTA SIULITTAASUUNERMIK SEPTEMBER 2012-MI TIGUSINISSAA

Nunatta NAKS-imi siulittaasuuneq tigoqqissavaa Savalimmiunni ataatsimiinnermi 3. - 7. septemberimi pisussami. Ukiumut ataatsimiinnerup nanginnerneqarnerani nunat avannarliit killiit Reykjavikimi kulturisusapput ulluni 7. aamma 8. september, tassanilu atuagaq "Atlantikup Avannaani Sanilerii" saqqummiunneqassalluni.

2012-MI UPERNAAKKUT ATAATSIMIINNEQ

2012-mi upernaakkut ataatsimiinneq aallartippoq 13. april naammassineqarlunilu 29. maj 2012. Upernaakkut ataatsimiinnermi ullut 22-it ator-neqarput. Sanilliullugu UPA10-mi aamma UPA11-mi ullut 16-it ator-neqarlutik.

Ullut 22-it taakku iluini ataatsimiit-tarfirmi oqallinnermut atorneqar-put akunnerit 130-it. September 2011-miit maj 2012-mut akunnerit atorneqartut tassaapput, imatut oqaatigalugu, inatsisartut suliffittut ukiuani ataatsimiiffiit, akunnerit 265-it, upernaakkut atorneqartut akun-nerit 135-ullutik. Assersuutissatut ilisimatitsissutigineqassaaq Islandimi inatsisartuni Althingimi oktober 2011-miit juni 2012-mut akunnerit 800-it atorneqarsimmata, akun-

nerillu atorneqartut nalinginnaasumik atuinnermit annertunerujussuartut nammineq oqaatigalugit.

Arfineq marloriarluni UPA12-mi akunnernik apeqqarissaarneqarpoq. Sanilliullugu UPA11-mi akunnerit apeqqarissaarfiit arfiniliullutik.

INUIT PISINNAATITAAFFII PILLUGIT DANMARKIMI SULLISSIVIUP AAQQIS- SUGAANNIK INATSISAR- TUNUT ILAASORTAT INUIT PISINNAATITAAFFII PILLUGIT ISUMASIOQATIGIINNERAT

Inatsisartuni sulinnermi inatsisartunut ilaasortanit annertunerusumik paasi-simasaqarnissaq anguniarlugu kiisalu suliannut sanilliussinnaasaminnik sakkusaqarnissaat tunngavigalugu 2009-mili qinersinerup kingorna inat-sisartut siulittaasoqarfiata pikkorissartarnissamut oqalugiarnermulluunniit sungiusarnissamut peqataanissamut periarfissaqartis-simavaat. Taamaalilluni uani uper-naakkut ataatsimiinnermi 17. april ulloq ataaseq isumasioqatigiinnermut atorneqarpoq, sammineqarluni "Inuit Pisinnaatitaaffii". Isumasioqatigiinneq matoqqasutut ullaap tungaani ilaasortanuinaq ingerlanneqarpoq, ualikkulli inuttaasunut soqutiginnittunut tamanut ammasumik isumasioqatigiisitsisoqarluni. 2010-mi oqallorissarluni pikkorissartoqarpoq,

2011-milu ataatsimiinnermut aqut-sinnermut pikkorissartoqarluni. Inuit Pisinnaatitaaffii pillugit sullissivimmut pingaartuuvoq inatsisartunit isumasioqatigiinnissamut qaaqquneqarluni, tassami siorngatigut inatsisartunit qaaqquneqarsimangimmata. Taamaalilluni suliffeqarfik suliami paarlattuanik sulilluni, tassa suliatik pillugit inatsisartut paasitinniassalugit.

UPA12-MI ULLOQ NUNANI AVANNARLERNI INATSISARTUNI OQALLIFFIK

Nunat Avannarliit Siunnersuisooqatigiiffiata kaammattuinerat tunngavigalugu nutaatut immikkut nunani avannarlerni oqallinneqarpoq, pineqarlutik nunani avannarlerni suleqatigiinneq tamannalu nunani avannarlerni tamani ulloq ataaseq tassa 20. april ingerlanneqarluni. Oqallinnermi pineqartoq tassaavoq, nunani avannarlerni killeqarfinni aporfisat. Immikkut ataatsimiinnissamut inniminniisoqarsimavoq ulloq 20. april, pineqartoq akunnerni marlunni inatsisartunut oqaluuserineqarnissanut. Naalakkersuisut oqallisissiamik saqqummiussipput, taannalu inatsisartuni oqallisigineqarluni. Siunnessami Nunat Avannarliit Siunnersuisoqatigiiffiani nalilernerqartassaaq, nunani pineqartuni piffissami aggersumi suna inatsisartunit suliarineqassanersoq.

ATAATSIMIINNERIT NALAANI KNR-IP AALLAKAATITSISARNERA

KNR-ip radiukkuq TV-kullu toqqaanartumik inatsisartut ataatsimiinneri aallakaatittarpaat. Inatsisartut siulittaasuq isumaqarpoq inersuarmiit aallakaatitsinerit taakku pitsaanerusariaqartut, taamaalilluni siunnessami isiginnaartartut TV-kkut takusinnaalissallugu kina oqaluttarfimmiit oqaluttuunersoq, kiisalu immikkoortoq sorleq ataatsimiinnermi oqallisigineqarnersoq. Suliaq taanna inatsisartunit aallartinneqassaaq, neriuutigineqarluni inuttaasut TV-kkut aallakaatitsinernut malinnaalluarnerulernissaat.

UPA12-NI NUNAT AVANNARLIIT KILLIIT SIUNNERSUISOQATIGIIFIATA KAAMMATTUUTAI

2011-mi aggustimi ukiumoortumik ataatsimiinnermi NAKS-imit nunani avannarlerni killerni naalakkersuisunut pingasuusunut kaammattuutit arfinillit akuersissutigineqarsimapput, taakkulu UPA12-mi oqaluuserisassanut ilanngullugit suliarineqarlutik. Kaammattuutit arfinillit tamarmik inatsisartunit akuersissutigineqarput.

Kaammattuutit inatsisartunut aalajangiiffigisassanngorlugit saqqummiunneqartarput, naak aalajangersakkat imarisai Naalakkersuisunut maligassatut siunnersuut-

tinik kaammattuutaannaagaluartut. Siunnersuutit nunanit peqataasunit pingasunit inatsisartunut ilaasortanit, taakkunanga nunatsinniit arfiniilit, akuerineqartarput. Kaammattuutit pilersinneqarnerannut nunani pineqartunit pingasunit paasinnineq pissutaalluni, kaammattuutit akuerisassanngorlugit imaluunniit itigartinneqartussanngorlugit toqqa-

annartumik inatsisartunut suliassanngortinneqartarput, siullermeerlugu aamma aappassanneerlugu suliarinerisa akorngani ataatsimiititalianut ingerlatinngikkaluarlugit. Tamanna siunnersuutit pineqartunut suliqartarnerni pitsaanerpaajusoq paasineqarsimavoq, taamaattumillu inatsisartut sulineranni ilanngunniarneqarluni.

ALLATTOQARFIMMI PISORTAQ HANS NEBEL PEDERSEN

Upernaakkut ataatsimiinnerup ulluisa kingulliit ilaanni inatsisartut siulittaasoqarfiani allattoqarfiup pisortaa Hans Nebel Pedersen tassanngannartumik toqukkut qimaguppoq ulloq 6. maj 2012. Nuummi eqqaaniaalluni naalagiatigiiittoqarpoq, Hans Nebel Pedersenip nammineerluni kissaatisimammagu Danmarkimi ilaqutariit iliveqarfianni ilisaanissani, taamaattumillu Inatsisartut Siulittaasuat ilisinermut Borbjergimi Holstebromi peqataalluni.



Hans Nebel Pedersen.

ISSITTUMI INATSIARTUNUT ILAASORTAT SULEQATIGIIFIATA (SCPAR) NUUMMI ATAATSIMIINNERANUT SIULITTAASUP PEQATAANERA

Issittumi inatsisartunut ilaasortat suleqatigiiffiata siulersuisut ataatsimiipput Nuummi 4. – 6. juni, pilersaarusionerqarluni ataatsimeersuarnerit qulissaat septembarimi Islandimi ingerlanneqartussa.

Suleqatigiinnermut tamatumunnga nunarput toqqaannartumik peqataatitaqanngilaq, kisiannili NAKS-ip siulittaasoqarfiata aqqutigalugu EU assigalugu alaatsinaatsutut peqataasarluni. Taamaalluni tamatumunnga

atatillugu Inatsisartut Siulittaasuat NAKS-imut siulittaasup tulliatut peqataavoq. Norge 2012-mi SCPAR-imi siulittaasuutitaqassaaq, Danmarkilu sinnerlugu folketingimut ilaasortaq Sara Olsvig peqataalluni folketingi sinnerlugu.

FOLKETINGIMI AALLARTITAT PAASISSASSARSIORLUTIK ANGALANERAT

Folketingi ukiut tamaasa aallartitanik paasisassarsiortunik nunatsinnukartitsisarpoq, Naalagaaffiup Sinniisoqarfia suleqatigalugu ingerlanneqartartunik. Aallartitat sinerissami illoqarfiit arllallit tikeraartarpaat, Nuummiinnerminnilu Inatsisartoqarfik ilanngullugu pulaartarlugu, ulloq 19. juni pulaarnermi folketingimut ilaasortat arfineq marluupput atorfillittallu pingasuullutik. Siulittaasoqarfik sinnerlugu siulittaasup pulaartut naappipai.

NUNANI AVANNARLERNI KILLERNI INATSISARTUT SIULITTAASUISA ISLANDIMI JUUNIMI ATAATSIMIINNERAT

Nunat Avannarliit Killiit inatsisartuisa siulittaasui ukiut tamaasa ataasiarlutik ataatsimiittarput, ukioq mannalu tamanna Islandimi 25. – 27. juni ingerlanneqarluni. Ataatsimiinnerit nunat parlakaallutik tigummis-

arpaat, 2013-milu ataatsimiinneq nunatsinni ingerlanneqassalluni.

Siulittaasut inatsisartuni sulineq pilugu imminnut ilisimateqatigiittarput, aammalu inatsisartuni misilittakkanik paarlaateqatigiittarlutik, kiisalu inatsisartuni suliaqarnermi suliniutissat nutaat eqqartorneqartarlutik.

Ukioq manna Jógvan á Lakjuni Savalimmiuni inatsisartuni Løgtingið-mi siulittaasutut nutaatut peqataavoq. Appaagu nunatsinni Islandimilu inatsisartunut qinersisoqartussavaoq. Islandimi Inatsisartut siulittaasua Ásta R. Jóhannesdóttir ilisimatitsivoq Islandimi inatsisartut 19. juni ukioq suliffitsik naggataarsimagaat, kiisalu akunnerit 800 inatsisartuni oqallinnermut atorineqarsimasut, tamannalu imaannaanngitsutut taaneqarsinnaalluni.

Islandimi præsentimut qinersisoqarpoq 30. juni præsentilugu issiasoq Ólafur Ragnar Grímsson qinerneqaq-qilluni.



Nunani avannarlerni killerni Inatsisartut siulittaasui.

SIULITAASOQARFIMMIT NERSORNAASIINERIT

2012-mi ukiup affaani siullermi Siulittaasoqarfik Nersornaatinik marlunnik tunniussaqqarpoq.

Nersornaat siulleq Gerth Pîvât, Tasiilameersumut tunniunneqqarpoq. Nersornaammik tunniussineq Tasiilami ulloq 21. juni nalliuttorsionertalimmik ingerlanneqqarpoq, inatsisartunut siulittaasumit

ingerlanneqqarluni illoqqarfiup inuiattut ullorsionermik nalliuttorsioirtitsineranut atatillugu.



Tasiilami Gerth Pîvât Nersornaaserneqqarneranit.

Nersornaatip tunniunneqqartup aappaa Dronningip Ceremonimesterianut Christian Eugen-Olsenimut Københavnimi tunniunneqqarpoq. Nersor-

naammik tunniussineq ingerlanneqqarpoq ulloq 28. juni nalliuttorsionermi Københavnimi nunatta sinniisoqqarfiani Inatsisartunut siulittaasumit.



Dronningip aqqissuussinernut pisortaanik Christian Eugen-Olsenimik Københavnimi Nersornaasiinermi.

JULI QAAMMAT SULIN- NGIFFEQARFISSATUT SIULITTAASOQARFIMMIT SULISSUTIGINEQARPOQ

Siulittaasoqarfimmit allattoqarfimmi sulisut juli qaammat akissarsiaqarluni sulinngiffeqarsinnaaneq (afspadsering) imaluunniit feriarsinnaaneq tapersorsorneqarpoq, tassani siulittaasoqarfimmit inassutigineqarsimalluni juli qaammat, periarfissaqartillugu, sulinngiffeqarnermi matoqqasoqartarnissaa. Taamatuttaarlu siulittaasoqarfimmit tapersorsorneqarluni inatsisartut ataatsimiinnerisa naammassineqarneranit ullut 14-it siulliit sulisut qaangiuttoornerisimasatik nungunnarlugit sulinngiffeqaatigisinnaassagaat. Tamanna ima isumaqarpoq ataatsimiititaliani sulineq ulluni taakkunani 14-ni kigaal-latsinneqarsinnaalluni.

UKIAKKUT ATAATSI- MIINNEQ 2012 (UKA12)

Pisarneq malillugu ukiakkut ataatsimiinneq aallartissaaq tallimanngornermi 21. september 2012, Annaassisitta Oqaluffiani naalagiaqatigiinermik aallartissalluni. Naalagiarneq taanna tamanut ammasuuvoq.

Ammaanersioreernerup kingorna inatsisartut ukiuani kingullermi ilqqusoq malillugu Inatsisartuni Siulittaasoq ammaalluni oqalugiasaaq, nunatta nalinginnaasumik inisisimanagera saqqummiutissallugu.

Inatsisartunut ilaasortat Naalakkersuisullu oqaluuserisassatut siunnersuutissaqarunik ukiakkut ataatsimiinnermi oqaluuseritikkusutaminnik taava taakku allattoqarfimmut tunniutereersimassavaat ulloq 17. august nal. 12.00.

NUTAARSIASSAT KINGULLIIT

www.inatsisartut.gl/nutaarsiassat